

漢書疏證

漢書疏證卷六

吳 沈欽韓撰

古今人表一

班氏古今人表後人嘗爲深思其義例矣其一也經傳史冊所載善惡事迹信若列眉者而次第之諸子雜說互有異同王侯似續事行蔑聞概不之錄若此者傳信之義也其一也廣按異聞旌別幽隱枯魂朽骨復得光曜而聖武姦邪灼然人口者亦無庸列如此者博觀之雅也表則進退無所據焉惟世本世家羌無故實抄撮靡遺其他傳記任意取捨而閒掇拾荒裔以眩之至於

愚公餓者匡人童子本無名氏亦汚簡牘此其大惑不解者也若其高下無別是非胥亂夫人知之益怪顏籀之註若駘降姑祭之字釋音甚勤殆恐人之不知而孤文側出閒有乖舛孰視無覩以爲人固自知之耶將已實有所聞也蒙竊羞之少時嘗讀諸子雜家傳聞紛錯或一人而三四易或一事而四五易每欲整齊參考茲於表中名氏畧註出處稍參駁異自皇甫謐等所言皆不敢信寓知人論世之適焉

上上

太昊庖犧氏

劉恕外紀云取犧牲以充庖廚號庖犧後世音謬謂之
伏犧按律厯志作炮犧始用燔炮之食字不當爲庖又
白虎通云伏犧定人道畫八卦以治天下伏而化之故
謂之伏羲劉說非也

炎帝神農氏

淮南修務訓神農嘗百草之滋味一日而遇七十毒
司馬貞索隱曰以藉鞭之草木始嘗百草呂覽慎勢篇神農十七世有天下尸子作七十世

黃帝軒轅氏

管子五行篇昔者黃帝得六相而天地治神明至蚩尤
明乎天道故使爲當時
劉恕外紀雖蚩尤是黃帝所食故改作風后引用古書不當如

此大常察乎地利故使爲原者審都辨乎東方故使爲
土師祝融辨乎南方故使爲司徒大封辨於西方故使
爲司馬后土辨乎北方故使爲率以其緩急作五聲以
政五鍾令其五鍾一曰青鍾大音二曰赤鍾重心三曰
黃鍾灑光四曰景鍾昧其明五曰黑鍾隱其常

路史注淮南子

伯余之初作衣
許注云黃帝

少昊帝金天氏

王符五德志大星如虹下流華渚女節萬接生白帝摯

青陽世號少皞

皞爲皞之說律歷志考德曰少昊曰清
博者黃帝之子清陽也是其子孫名摯

據彼文則摯與青陽非一人而皇甫謐與王符竟云名
摯字青陽則誤矣御覽七十九河圖曰女節生白帝朱

宣按五帝德帝繫篇皆不言少昊故史記紀年並不列
三統厯以左傳知子之語爲繼黃帝也周書嘗麥解曰
乃命少昊請司馬鳥師以正五帝之官故名曰質質與
華同

顓頊帝高陽氏

五德志瑞光如月正日感女媧幽防之宮生帝顓頊
赤當爲黑河圖作黑帝呂覽序意曰文信侯曰嘗得黃
帝之所以誨顓頊其愛有大圖在上大矩在下汝能法
之爲民父母乎子昔者帝顓頊年十五而佐黃帝淮南
齊俗訓帝顓頊之法婦人不辟男子於路拂於四達之

御覽引淮南注朕音拂除
其不祥則古本作朕此誤

帝嚳高辛氏

鄭注繫辭云金天高陽高辛遵皇帝之道無所改作故

不述焉律厯志三周嚳其樂故易不載

御覽八十張顯
析言曰高辛氏

初生自言其名帝王世紀曰自言其名曰摯據此則
大荒東經所云帝俊即帝嚳也郭璞注為帝嚳誤

帝堯陶唐氏

呂覽開春論堯之客若委衣裘焉以言少事也

帝舜有虞氏

舜耕於歷山夢眉與髮等

書正義引
尚書大傳

帝禹夏后氏

淮南汜論禹之時以五音聽治

按此事本於繫子

爲號曰教寡

人以道者擊鼓論寡人以義者擊鐘告寡人以事者振

鐸語寡人以憂者擊磬有獄訟者搖詔當此之時一饋

而十起一沐而三握髮

地形訓禹以息土填鴻水以爲名山

帝湯殷商氏

管子桓公問湯有維得之庭以觀人誹也

殷本紀伊尹從湯言素王

九主之事按此乃出戰國衛士陰謀如太公六韜此耳

藝文志所云伊尹說二十七篇其語淺薄似依託也當卽此史遷無識從而采入

文王

文王世子注曰文王以憂勤損壽武王以安樂延年呂

覽制樂篇周文王立國八年

竹書紀年帝乙三年夏六月周地震文王於文丁十

二年卽位僅四年與此異

歲六月文王寢疾五日而地動東西南北

不出國郊羣臣皆恐曰請移之文王曰若何其移之也
對曰興事動眾以增國城其可以移之乎文王曰不可
夫天之見妖也以罰有罪也我必有罪故天以此罰我
也今故興事動眾以增國城是重吾罪也不可昌也請
改行重善以移之其可以免乎

韓詩外傳三同

武王

管子地數篇武王立重泉之戍令曰民自有百鼓之粟
者不行民舉所最粟以避重泉之戍而國穀二什倍巨

橋之粟亦二什倍

按此以巨橋爲武王之儲畜異聞也

史記伯夷列傳武

王載木主號爲文王東伐紂伯夷叔齊扣馬而諫曰父

死不葬爰及干戈可謂孝乎淮南齊俗訓武王伐紂載

尸而行海內未定故不爲三年之喪始據西伯戡黎疏

引伏生大傳云文王受命七年而崩太誓序惟十有一

年武王伐殷

文王諸序疏引鄭云十有一年本文王受命而數之是年入戊午節四十歲矣今

文泰誓云惟四月太子發上祭於畢下至於孟津之上

鄭大傳注云發周武王也卒父業故稱太子太誓又二

八百諸侯不召自來不期同時不謀同詞皆曰帝受可

伐矣武王曰爾未知天意未可伐維丙午王還師十三

年十二月戊午師畢渡孟津多乃云天惟五年須暇之

子孫

鄭云文王受命八年至十三年是須暇五年之事也見周頌武疏僞孔傳亦云服喪三年還師二年

周本紀云文王受命七年而崩九年武王上祭於畢東
觀兵雖誤以十一年爲九年要爲喪終一也祭畢卽是
吉禘周制諸侯五月而葬時雖未制禮不替相遠又甘
誓云用命賞於祖則觀兵載主以文王爲受命之祖不
必如後世載遷廟之主以行也何得有未葬載尸之事
若奉祖社於軍本是典禮何足怪乎淮南雜家本不足
責史遷輒爲此野人無稽之語世人徒玩其文辭而不
悟其背理傷教良可嘆也

周公

荀子非相篇周公之狀身如斷齒墨翟貴義篇周公旦

朝讀百篇夕見漆十士

案同七

呂覽精喻篇勝書說周公

旦曰廷小人眾徐言則不問疾言則人知之徐言乎疾

言乎周公曰徐言勝書曰有事於此而精言之而不明

勿言之而不成精言乎勿言乎周公且曰勿言故勝書

能以不言說而周公能以不言聽此之謂不言之聽不

言之謀不聞之事殷雖惡周不能疵矣紂雖多心弗能

知矣

按武王伐紂彰明甚矣何用此客之規規者與他事絕乖異矣也

說苑指武篇作

齊人王滿生見周公云云王滿生藉筆讀書之曰社稷

且危傳之於厲周公仲觀見書曰唯唯謹聞命矣明日
誅管蔡與呂覽謀刺者與韓詩外傳四作客與說苑同
按徵此人密語周公將不能自斷乎亦妄

孔子

論衡物勢篇孔子畏陽虎卻行流汗

按此何等語充尚謂有人心者乎充

又有問孔篇取論語言行反爲究詰充其狂人哉

史遷作世家其謬妄有十二

其言固結於人心而習焉不之察也不可不辨首云紂

與顏氏女野合而生孔子叔梁紇死孔子疑其父墓處

母諱之也

鄭注檀弓蘇轍古史皆從之

按家語本姓解敘孔子母本

末甚明孔叢陳士義李由所生不正託於孔子不知其

父子順已辨之而索隱欲強解之謂叔梁紇老而徵在
少非當壯室初笄之禮故云野合謂不合禮儀也按曾
子問孔子曰宗子雖七十無無主婦不得謂衰老之人
不合行婚禮武王娶邑姜亦非壯室是其謬妄一也又
云孔子要絰季氏饗士孔子與往爲陽虎所絀按孟僖
子使說與何忌事孔子學禮則髻亂已知禮矣要絰爲
實常人恥之況聖人乎且其下云孔子年十七當魯昭
公七年彼時安得有陽虎家語又云孔子有母之喪既
練陽貨弔私於孔子云云按
論語稱孔子不見則孔子
與彼素無款洽其事亦妄其謬妄二也又云孔子爲司
空已而去魯斥乎齊逐乎宋衛困於陳蔡之間按此以

孔子後事倒敘於適周問禮之前謂魯昭公世已然冗漫無文理其謬三也又云孔子長九尺六寸人皆謂之長人按考工記人長八尺言其大凡過若不及者甚多且魯之異孔子者僅以其長耶出語遊戲其謬四也又云孔子適齊爲高昭子家臣欲以通乎景公按公皙哀不仕大夫家孔子特欲貴之明孔子不爲異國陪臣矣遷於上文云齊景公適魯問孔子云云景公說之是齊景公早知孔子不待屈家臣以自通上下文理不屬苑說立節篇孔子見齊景公景公致廩邱以爲養孔子辭不受出謂弟子曰吾聞君子當功以受祿今說景公景公未之行而賜我廩邱其不知某亦甚矣其謬妄五也又遂辭而行與彼事相較其高下懸絕矣

云魯定公卒居陳三歲還適衛衛靈公老怠於政不用孔子孔子既不得用將西見趙簡子反乎衛他日靈公問兵陳云云按靈公卒於哀二年安得居陳三歲復有下事厯計史所敘在衛三節一公孫余假出入也此其事之誣不待言而韓非書一雍渠同乘也一問陳也實爲一所假見子羔事下

時而糾纏作三其謬妄六也論語云公山不擾以費叛孔子曰如有用我者我其爲東周乎聖人自以大義言之雖魯猶不爲則不爲公山氏可知而史云周文武起豐鎬而王今費雖小僞庶幾乎是直以費邑爲蘄沛之基與東周之言不大背謬乎釋史亦斥之其誣妄七也又云

由大司寇行攝相事魯三卿司空兼司寇以大夫居之者小司寇耳祝其之會卿當行或孔子攝相儀在是時彼以大司寇爲卿故以相爲國相其譌入也又云匡人止孔子拘五日匡人拘益急按莊子云無幾何將甲者進辭曰以爲陽虎也故圖之今非也請辭而退韓詩外傳子路歌孔子和之三終而圍罷夫孔子之似陽虎其是非易曉一介往復則決矣胡爲五日益急乎其時又無所謂甯武子也是謬妄九也又云昭王以書社地七百里按大夫食采以邑者周官之四井爲邑伯氏駢邑三百也衛獻公與免餘邑六十杜預云此一乘之邑非

四井之邑以下有惟卿備百邑知其爲一同之地也二十五家爲社耆社七百實萬七千五百家耳齊侯致昭公者僅莒疆千社昭王果以封孔子則七百社已過矣何爲七百里乎其謬十也又云小雅大雅頌三百五篇孔子皆弦歌之以求合韶武雅頌之音不知三百篇其施於樂者皆宗華之不必孔子之弦歌也不施於樂者孔子不能合諸韶武也又云作春秋據魯親周故殷傳合公羊僞學是全不睹六藝之惜其謬十一也蘇轍曰吳伐越墮會稽史記載此事在定公之世爲失之矣按敗越夫椒在哀公元年前此吳未能克越則墮會稽事

不當於定公世其謬十二也蓋司馬遷本無學術言不
純師欲以形容太聖難矣

上中

女媧氏

淮南覽冥訓女媧鍊五色石以補蒼天斷鼇足以立四
極殺黑龍以濟冀州積蘆灰以止涪水又說林女媧七

十化

山海經云女媧之腸化為神處栗廣之野注云女媧一日中七十變其腸化為此神按淮南言七十

化以其教行天下理猶

天問女媧有體孰制匠之

風俗

俗說天地開闢未有人民女媧搏黃土作人劇務力不暇供乃引繩于泥中舉以爲人故富貴者黃土人貧賤者絙人也此因天問

制匠之語而傳會也

共工氏

管子揆度篇共工之王水處什之七陸處什之三乘天

勢以隘制天下

左傳言共工氏伯九州獨管子言王表列於容成氏之上意亦以爲王也列

子湯問篇共工氏與顓頊爭爲帝

張湛曰共工氏興於伏義神農之閒其

後苗裔恃其強與顓頊爭爲帝按此共工氏則如張湛所云伏義神農之閒者

容成氏

淮南本經訓容成氏之時道路雁行列處託嬰兒於巢

上置餘糧於晦首

按月覽勿解篇容成作厭此是黃帝時臣庸一人高誘合而爲一非也路

史作庸成

大廷氏

見昭十八年傳呂覽用民篇夙沙之民自攻其君而歸
神農注曰夙沙大庭氏之末世皇甫謐以爲大庭已下
十五君皆獲庖犧之號然御覽引世紀云神農氏都陳
又營曲阜故春秋稱魯大庭氏之庫左傳正義先儒舊
說皆云炎帝號神農氏一曰大庭氏服虔云在黃帝前
鄭氏詩譜云大庭在軒轅之前亦以大庭爲炎帝按此
表則與高誘杜預義同而皇甫謐又兩岐其說

柏皇氏

莊子胠篋篇作伯皇

路史鄭道書所載云姓
伯名芝此謬妄之尤矣

中央氏

路史作中皇氏

栗陸氏

索隱栗陸氏上有卷須氏疑傳為脫之

鄧析子栗陸氏殺東里子宿少

氏殺箕文

驪連氏

肱餽篇作驪連

路史作驪連氏

軒轅氏

六韜軒轅氏古之王者也

尊盧氏

以上並見肱餽篇

范渾氏

莊子應帝王中央之帝爲渾沌

宋平負見漢陰丈人以告孔子孔子曰彼假修

渾沌氏之術者也

昊英氏

商子晝策篇昔者昊英之世以伐木殺獸人民少而木獸多

有巢氏

周書史記解昔者有巢氏有巢氏而貴任之以國假之以權擅國而主斷君己而奪之臣怒而生變有巢以亡

劉恕云非人皇氏之後有巢氏諸史云六韜所敘乃昊英氏之後有巢氏

朱襄氏

呂覽古樂篇朱襄氏之治天下也多風而陽氣畜積萬物散解果實不成故士達作爲五絃瑟以來陰氣以定

羣生

高誘曰朱襄氏炎帝之別號

葛天氏

呂覽古樂篇葛天氏之樂二人操牛尾投足以歌八闋

陰康氏

古樂篇陰康氏之始陰多滯伏而濕積故作爲舞以宣導之

亡懷氏

外紀云自伏羲至無懷一千二百六十年或云五萬七
 千七百八十二年接管子稱無懷氏封泰山禪云云虞
 幾封泰山禪云云注無懷氏古之王者在伏羲前則無懷氏不得在十
 五君之末

東虬氏

淮南繆稱訓背東戶季子之世注古之人君道路不拾遺未
 和餘糧宿諸晦首釋史引子思子曰東戶氏之熙載也
 承流富是之時禽獸成羣道上頽行而不拾遺耕者餘
 飯宿之隴首其歌樂而無雜其哭哀而不聲皆至德之
 世也

帝鴻氏

左傳帝鴻氏有不才子杜預云卽黃帝大荒經云帝俊

生帝鴻

羅海以爲黃帝子

悉諸

呂覽尊師篇神農師悉諸新序雜事五引呂子作悉老

莊子知北遊姤荷甘與神農同學於老龍吉老龍吉或卽悉諸馬融曰若以爲言非實則彼衣方回之類何以

少典

表云炎帝妃生黃帝挾晉語司空季子曰昔少典娶於

有蟠氏生黃帝炎帝賈侍中云少典黃帝炎帝之先有

蟠諸侯也韋昭曰言生者謂二帝本所生出也

新書因此爲炎

帝黃帝同母
異父之說

大戴五帝德篇孔子曰黃帝少典之子索

隱曰少典是國號非人名黃帝卽少典氏後代之子孫

耳呂覽稱神農有天下十七世譙周古史考炎帝之後

凡八代五百餘年軒轅氏代之海內經炎帝之妻赤水

之子驩祿生炎帝按晉語謂黃帝炎帝之祖同是少典

國而所娶又皆有蟠之女一成德於姜水爲姜姓一成

德於姬水爲姬姓然則黃帝非炎帝之裔而少典又非

母氏之國

譙周云少典爲有熊國君亦不言是女

表之誤甚矣

宋書符瑞志黃帝母

日附寶其先卽炎帝母家有蟠氏之女

列山氏

魯語列山氏之有天下也其子曰柱能殖百穀百蔬章
昭曰列山氏炎帝之號也起於列山祭法厲山氏之有
天下也鄭云厲山神農所起列厲聲同杜預於昭二十
九年傳稱列山氏爲神農世諸侯劉炫曰規之表於顓
瑒下出柱而此復出列山氏不知列山氏之卽神農也
歸藏氏

杜子春太卜注云連山伏犧歸藏黃帝外紀黃帝一曰
帝鴻氏歸藏氏
表乃分爲三
人甚誤也

方雷氏

晉語司空季子曰青陽與夷鼓皆爲己姓青陽方雷氏

之甥也

韋昭以方音爲西陵氏之姓誤嫫祖乃西陵氏耳皇甫謐云黃帝次妃曰女節也

又云

青陽與倉林氏同於皇帝故皆爲姬姓帝繫篇黃帝娶於西陵氏之子謂之嫫祖氏產青陽及昌意此姬姓之青陽一爲玄囂者也其方雷氏所出者爲己姓之青陽韋昭云金天氏帝少昊也律厯志云少昊曰清清者黃帝之子清陽也是其子孫然則表云方雷生玄囂不知別有一青陽而非玄囂皇甫謐宋衷等皆承誤

嫫祖氏

史記嫫祖爲黃帝正妃生二子其後皆有天下其一曰玄囂是爲青陽青陽降居江水其二曰昌意降居若水

大戴帝按昌意卽晉語之蒼林氏律厯志顓頊蒼林昌

意之子表不審攷將同母之兄弟分屬二妃此尤誤也

彤魚氏

晉語夷鼓彤魚氏之甥也

皇甫謐云夷鼓一名蒼林非

悔母

據律厯志蒼林卽昌意非嫫母所生呂覽遇合篇嫫母

執乎黃帝黃帝曰屬女德而弗忘與女正而弗衰雖惡

笑傷

淮南修務訓粉白黛黑弗能爲笑者嫫母也

封鉅

管子五行篇之大封疑卽封鉅字倒互耳

路史炎帝器生鉅爲黃帝

歸山海經炎

帝生鉅封

大填

呂覽尊師篇黃帝師大橈勿躬篇大橈作甲子韓詩外傳五黃帝

學乎大填御覽四百四引作大顛新序雜事五引呂子作大顛是

大填大橈為一人也莊子徐無鬼篇黃帝將見大隗乎具茨之山方明為御昌寓參乘張

若謠朋前馬昆閭滑稽後車至於襄城之野大隗或又大填之異稱歟

大山稽

列子黃帝篇夢遊于華胥氏之國既悟召天老力牧大

山稽告之張湛曰三人黃帝相也按表又不及天者五聖二人

力牧

淮南覽冥訓女媧殺黑龍以濟冀州注云力牧太稽殺

之以止雨按正文言女媧注言黃帝二臣豈女媧氏亦

有名力牧太稽者歟

論語摘輔象曰力墨受雋斥州選舉力墨卽力牧也墨牧聲韻通

淮南修務訓黃帝治天下而力牧太山稽輔之

抱朴子推步則

訪山稽

力牧

風后

春秋內事黃帝師於風后風后善於伏羲之道故推演

陰陽之事

釋史引帝王世紀曰黃帝夢大風吹天下之塵垢皆去又夢人執千鈞之弩驅羊萬羣帝

寤而嘆曰

風爲號令執政者也垢去土后在也天下豈

有姓風名后者哉夫千鈞之弩異力者也驅羊萬羣能

牧民爲善者也天下豈有姓力名牧者哉於是依二占

而求之得風后於海隅以爲相得力牧於大澤以爲將

按謠所稱出自占夢書里巷鄙語耳黃帝時安有姓風姓力者哉

鬼臾區

天元紀黃帝問三陰三陽之候於鬼臾區鵠冠子麗煖

曰王問俞跗之爲醫乎已成必治鬼神避之

史記正義應劭曰黃

帝時

將也按靈樞有黃帝問於少俞又有問於少師

壽天剛柔篇

疑鬼臾區卽少俞而官爲少師扁鵲傳以俞跗爲上古

之醫非也韓詩外傳作中古當是

封胡

路史申命封胡以爲丞鬼容盧爲相力牧爲將而周昌輔之

孔甲

並見藝文志

岐伯

素問謂之天師表又不及雷公何也

冷倫氏

呂覽古樂篇黃帝又命伶倫與樂將

御覽作榮援

鑄十二鍾

以和五音以施其韶命之曰咸池

五鳥五鳩

郊子所說少昊官制耳不曉何人惡能定其仁智晏子

對齊景公曰爽鳩氏始居齊地

昌僕

史記昌意娶蜀山氏女曰昌僕生高陽帝繫篇作昌濮
海內經昌意降處若水生韓流韓流取淖子曰阿女生
帝顓頊按彼文則顓頊爲昌意之孫

皇甫謐頊
之女樞

女祿

帝繫篇顓頊娶於騰溫氏奔之子謂之女祿氏產老童
西山經驪山神耆童居之郭璞曰耆童老童顓頊之子
稽叔夜琴賦云慕老童於驪隅大荒西經老童生祝融
祝融生太子長琴

蟠極

帝繫老童娶於竭水氏之子謂之高緇氏產重黎及吳

回

世本老童娶於竭水氏謂之顓頊

按顓頊極是高辛父書傳無有以爲

老童如者極應爲緇之誤

吳回

世本老童生重黎及吳回帝繫同按楚語南正重司天

火正黎司地

大荒西經老童生重及黎帝令重獻上天令黎卽下地與楚語合則又以重黎爲二

人帝繫楚語皆古書未定其孰是左傳少昊氏別有名重爲木正非此老童所生

據楚世家帝

嚳使重黎誅其工氏而不盡帝乃以庚寅日誅重黎而

以其弟吳回爲重黎後復居火正爲祝融則重黎當先

於吳回表置祝融於帝嚳世誤倒也周語夏之興也融

降於崇山其亡也回祿信於聆隧

紀年帝癸三
十年聆隧災

后土

昭二十九年傳其工氏有子曰句龍爲后土

海內經其
工生后土

則以爲祝融之曾孫祝融氏
祝庸子術爲生條及句龍

蓐收

晉語虢公夢在廟有神人面白毛虎爪執鉞立於西阿
召史驪占之曰如君之言則蓐收采之形神海外西經
蓐收左耳有蛇乘兩龍者蓋木有蓐收之神司西方故
置其官

玄冥

昭二十九年傳少皞氏有四叔重爲句芒該爲蓐收修
及熙爲玄冥海外北經北方禺彊人面鳥身注曰字玄
冥水神也尙書大傳北方之極自丁令北至積雪帝顓
頊神玄冥司之是本有玄冥司北方立官象之越絕計倪內經
黃帝上事天下治地使玄冥治北方曰辨
佐之使主水按此又以玄冥爲黃帝時

柱

自夏以上祀之越絕計倪內經后土治中央后稷佐之
使主火

師味

味爲味之訛釋文曰師長也爲水官之長

路史少昊次
妃生般有子

日味爲
玄冥師

允格臺駘

昭元年傳焦氏易林臺駘昧子明知地理障澤宜德封
居河渚

窮蟬

世本作窮係史記云顓頊生子曰窮蟬以至帝舜皆微
爲庶人按堯典嬪於虞虞是國名魯語幕能帥顓頊者
也有虞氏報焉昭八年傳自幕至於瞽瞍無違命循內
外傳皆以幕爲瞽瞍以上韋昭解爲虞思非也
若以幕爲舜後則不當舍舜而遠追顓頊推之則舜之先非庶人明矣呂梁碑舜祖

幕幕生窮蟬竊以爲幕卽窮蟬耳

柏夷亮父

呂覽尊師篇帝顓頊師伯夷父

新序

此多一亮字

路史據此

表作
柏亮

緣圖

韓詩外傳五顓頊學平緣圖

御覽作祿圖神仙傳老子
帝嚳時爲祿圖子此荒誕

之
說

僑極

帝繫篇蟠極產高辛

路史妻陳豐氏曰
襄履大跡生養

姜原

帝繫篇帝嘗上妃有邵氏之女曰嬖嫫氏產后稷劉向
列女傳鄭康成生民篇以為高辛氏之世妃非帝嘗妃
也後儒如譙周等皆從之

簡狄

帝繫次妃有娥氏之女曰簡狄氏產契呂覽音初篇有

娥氏二佚女淮南地形訓有娥在不周之北長女簡翟少女建疵為九成之臺飲

食必以鼓帝令燕往視之鳴若鵲墮二女愛而爭搏覆

以玉筐少選發而視之燕遺二卵北飛遂不反列女傳

簡狄得玄鳥卵誤而吞之遂生契王季年拾遺記懷卵一年而有娠十四月

而生契按詩傳以春分玄鳥降帝與之祈於郊禱而生契

此理之可從者而唐成鑒主吞燕卵之說譙周等又然之

陳豐氏

世本次妃陳豐氏之女曰唐壽生帝堯

外戚傳昔堯十四月而生帝堯

碑廣都與赤龍交而生計堯成陽靈臺碑咸赤龍交始生堯皆本春秋續也神龍八十春秋合該曰慶都年二十寄伊長孫家赤龍與慶都合婚有娠爲何等鄙俗謂與人婦於內學而皇甫謐復竊以欺人

姬訾氏

世本次妃訾陳氏之女曰常儀生帝摯劉敬叔與苑陲訾氏生而髮與足齊隨地能育及爲帝室入夢日而生八子皆有賢智世號八元羅泌云八元實沈閼伯晏龍

叔戲五人續牙厭越僅七人蓋合帝華爲八
大荒西經
帝俊妻常

祝融

昭二十九年傳顓頊氏有子曰犂爲祝融日子者其姓也鄭

語黎爲高辛氏其正以清耀惇大天明地德光昭四海

故命之曰祝融楚語命火正黎司地以屬民內外傳互

證不當依唐因改火爲北也呂覽勿躬篇祝融作市管子

又有祝融爲司徒在黃帝時或別是一人如其工氏自神農下皆有之潛夫論讀學篇帝

嚳師祝融

陸終

帝繫吳同氏產陸終表既列吳同於前置祝融於此不當云陸終祝融子也

女漬

世本作嬪帝繫陸終氏娶於鬼方氏之妹謂之女隤氏產六子孕而不粥三年厥其左脅六人出焉帝繫篇其

一曰樊是爲昆吾

鄭語昆吾爲夏伯

其二曰惠連是爲參胡

宋忠

日參胡國名

其三曰續是爲彭祖

鄭語大彭豕韋爲商伯楚詞注彭經好和

滋味善耕維能事帝堯帝堯美而饗食之以壽考彭祖至八百歲猶自憐不憊恨枕高而垂遠也潘夫論讀

學篇頌頌

其四曰萊言是爲云邨人

韋昭曰陸終第四子曰求言爲姪姓

師老彭

封於邨邨

其五曰安是爲曹姓

鄭語曹姓邨言

其六曰

季連是爲芊姓季連者楚氏也

馬融曰陸終六子宜列爲大字今姑從表所列

廖叔安

見昭二十九年地理志南陽湖陽縣古廖國

舟人

鄭語禿姓舟人注云禿姓彭祖之別舟人國名

赤松子

韓詩外傳五帝醫學乎赤松子

淮南齊俗訓作赤誦子

柏招

呂覽尊師篇帝醫師伯招

按靈樞經天陽柔篇有黃帝問於伯高疑卽一人

句望

舜曾祖父事行無考

帝摯

史記帝摯立不善崩

索隱曰古本作不善俗本作不善謂微嗣不善猶不善明衛宏云摯

立九年而唐侯德盛因禪位焉按司馬貞之言是也劉恕作外紀聊載或說不善之事猶未敢決也而金履祥作前編遂大書爲荒淫無度請侯廢之若漢時信有此言班表當置諸下矣荀漢人不知後世何從知豎儒鼠目寸光并史記索隱未之見而侈口史筆厚誣古人此其學術可概見已釋必據年代歷作康音致旣以歷在入元之列而又云卽位不善乖摯如此

女皇

帝繫篇帝堯娶於散宜氏之子謂之女皐氏

羲仲

和仲

義叔

和叔

楚語堯復育重黎之後不忘舊者使復典之

注使復典天地之官

義氏和氏是也

尙書大傳儀伯之樂舞翬哉義伯之樂舞將陽

和伯之樂舞元鶴

鄭注儀當爲義義仲之後義伯義叔之後和伯和仲之後按鄭不言卽是

義和等而言後者前解四嶽入伯云堯時得義和命爲六卿主其春夏秋冬者并掌方嶽之事是爲四嶽出則爲伯其後稍死鵬咬其工求代乃分置八伯是卽以義和四子堯時先卒故舜巡守方嶽儀伯等皆其後人也據舜典亦有咨四岳之文而知義和前卒者以堯所命卽是六卿之職而舜時已有棄爲后稷契爲司徒皋陶作士鄭云此三官是堯時事舜因禹讓述其前功爲孔

和近黎

八愷

伯夷作秩宗爲舜所命則義仲舊掌此官又知容有在舜時卒者也

法言重黎篇義近重

荀子非相篇臯陶之狀色如削爪淮南修務訓臯陶馬喙是謂至信

八元

據杜預云八愷卽垂益禹臯陶之倫八元卽稷契朱虎熊羆之倫而表列此十六人於前惟易庭堅之字爲咎繇則十六人中惟臯陶朱虎熊羆在元愷耳大荒東經帝俊生仲容有仲容之國南經帝俊生季釐有季釐之國大戴誥志篇虞史伯夷曰明孟也幽幼也明幽雌雄也雌雄迭興而順至正之統也

升壽

韓詩外傳五舜學乎尹壽荀子大略篇堯學於君疇新
序五堯學乎尹壽所說各異大畧篇舜學於務成昭新
序五舜學乎務成跗韓詩
外傳又云堯學乎務成子附潛夫論續學
篇堯師務成舜師紀后皆莫可究詰者也
被衣

莊子知北遊齧缺問道乎被衣尸子補衣八歲舜讓以
天下崔謨云卽被衣王倪之師也高誘傲真訓注云披
衣而行因曰披衣

方回

傲真訓注曰其人方直回旋因曰方回按此皆子虛烏
有之類垂諸信
史則謬矣苟務博集善卷伯成
子高務成之流又何以畧之

王兒

莊子天地篇齧缺之師曰王倪

齧缺

天地篇許由之師曰齧缺堯問於許由曰齧缺可以配
天乎吾藉王倪以要之

許繇

天地篇堯之師許由呂覽尊師篇帝舜師許由後漢書
嚴子陵謂光武曰昔唐堯著德巢父洗耳卽謂許由文
選注引譙周古史考曰或曰又有巢父與許由同志或
曰許由夏常居巢故一號巢父不可知也凡書傳言許

由則多言巢父者少矣蓋譌與雖傳疑未定而別有巢父猶不敢信皇甫謐妄人乃取巢父列諸高士傳而自後公然形於簡墨

子州支父

尊師篇帝堯師子州支父

新序五作
州文父

莊子讓王篇堯以

天下讓於子州支父子州支父曰我適有幽憂之病方且治之未暇治天下也又云舜讓天下於子州支伯

娥皇

紀年帝舜三十年葬后首於渭或注云娥皇也蓋皇首聲相近御覽一百三十五引尸子堯妻舜以娥媿以皇

又分爲二人

女嬃

帝繫篇舜娶於帝堯之子謂之女媿氏

弃

淮南主術訓稷辟土懇草以爲百姓力農然不能使禾

冬生

媿人

宣四年傳媿吉人也后稷之元妃也

天問言湯云何乞彼小臣而吉妃是

得洪興祖云左傳以后稷之妃爲吉人與此吉妃同意

索隱曰帝王世紀云后稷

納媿氏生不窋而譌周按國語云世后稷以服事虞夏

言世稷官是失其代數也若以不畱親奔之子文王千
餘歲惟十四代實亦不合事情

高

淮南齊俗訓堯治天下舜爲司徒契爲司馬

按闕宮箋稷後作司

馬蓋契代舜爲司
徒弃代契爲司馬

垂

墨翟非儒篇巧垂作舟呂覽離謂篇周鼎著倮而齕其
指有以見大巧之不可爲也齊俗訓奚仲爲工或誤以

垂爲奚仲荀子解蔽篇倮作弓

海內經帝俊生三身三
身生義均義均是始爲

巧倮是始作下民百巧羅泌
云句龍生垂不知其所據

潛夫論讚學篇皆倮之巧

目茂園乃心定平直又造規繩矩墨以誨後人設使奚仲公班之徒釋此度而效倖自制必不能也

朱斯

鬻子禹之治天下也得皋陶得杜子業得既子得施子黯得季子甯得然子湛得輕子玉得七大夫以佐其身或者七人之中有爰斯等舊臣在歟路史以爲運伯陵之子爰斯出臣堯

柏譽

王符讀學篇禹師墨如與柏譽聲同疑卽一人

大略篇禹學平

西王國尊師篇

禹師大成贊

柏益

荀子成相篇禹得益舉陶橫革直成爲輔呂覽求人篇

禹得陶化益眞窺

王應麟曰眞窺卽直成也謝堦校荀子云窺與窺形似窺與成音同橫

革之交五人佐禹按此則古書皆以舉陶益並稱無別

有柏翳其人也墨子尚賢篇禹舉益於陰方之中授之

政史記皋陶卒而后舉益任之政其事亦合蓋益初贊

於禹舜時爲虞官皋陶卒後益乃代總百揆之任而秦

本紀大費佐舜調馴鳥獸是爲柏翳陳柏世家云伯翳

之後爲秦垂益夔龍其後不知所封按竹書紀年帝啟

二年費侯伯益出就國徐鍇說文繫傳大唐天王

云伯翳卽伯益也按費侯卽大費伯益卽柏翳調馴鳥獸卽是虞官贊禹功平水土孰有大於伯益者反不知其所封無是理也故索隱以爲誤而劉恕據之卽云非伯益此宋以來好異之風也羅泌乃以大費柏翳爲臯陶子而伯益則爲隤斨又出杜撰其以伯益爲臯陶子

者列女傳管仲妾婧曰畢子生五歲而贊禹

王應麟曰畢與臯同

呂覽求人篇臯子取疑取國召南宮虔孔伯產而眾口止高誘云臯子賢者也後人因疑爲益避敬之事故又以臯子爲臯陶之子曹大家注臯陶之子伯益也高誘當染篇注

亦云然至羅泌等云臯陶子爲伯翳按文五年傳臧文仲問六與蓼滅曰臯陶庭堅不祀忽諸若使其子柏翳

為秦祖則文仲何有不祀之歎後人不信經典正文而顧以妄婦之言為信乎水經注洛水篇晉元康五年百蟲將軍顯靈碑云將軍姓伊氏諱益字隤攷帝高陽之第三子伯益者也此里俗之傳說置諸不論可也

竊此類以惑人

龍

孔穎達正義曰伯夷姜姓不在元凱內義龍亦不可知

路史以為山海經之晏龍

夔

呂覽古樂篇帝堯命質為樂質乃效山林谿谷之音以

歌

注云質當爲夔

乃以麋貉置缶而鼓之乃拊石擊石以象上

帝玉磬之音以致舞百獸又察傳篇舜令重黎舉夔於

草莽之中以爲樂正

合而觀之則似二人故羅泌云然堯時實無刑有質爲樂者也

女趨

帝繫篇禹娶於塗山氏之子謂之女嬌氏呂覽音初篇

禹行功見塗山氏之女禹委之遇而巡省南土塗山氏之

女乃令其妾候禹於塗山之陽女乃作歌曰候人兮猗

實始爲南音武帝元封元年詔曰朕用事中嶽見夏后

啟母石

按石破而生啟與伊尹生於空桑等耳淮南所紀又奚足深怪

啟

天間啟代益作后卒然離蠡紀年帝啟八年帝使孟涂
如巴泄訟海內南經夏后啟之臣曰孟涂是司神於巴
巴人請訟於孟涂之所其衣有血者乃執之墨翟耕柱
篇夏后開
使蜚廉採金於山川而陶鑄之於昆
吾按以爲啟鑄九鼎與左傳乖異

公劉

詩傳去之幽蓋諸侯之從者十有八國吳越春秋公劉
慈仁行不履生草運車以避葭葦趙睦治韓詩者或是
韓詩以爲公劉詩也
後漢書寇榮上書曰公劉敦行葦世稱其仁班彪北征
賦慕公劉之盛德及行葦之不傷

有嬖氏

莘侁字皆同列女傳云生仲壬外丙

太丁

未立而卒仁與智不可知也表類妄也

伊尹

荀子非相篇伊尹之狀面無須麋

按晏子諫篇伊尹黑而短蓬而髯豐上兌

下僂身而下聲則與荀卿言正相反

天問帝乃降觀下逢伊摯

王逸曰摯伊尹名也

言湯出觀風俗乃憂下民博選於畎而逢伊尹舉以為相也按此節敘伊尹進用事最雅正上文又云緣鵠飾

玉后帝是襄又同於俗也

呂覽本味篇湯問伊尹使人請之有侁氏

有侁氏不可伊尹亦欲歸湯於是請取婦為婚有侁氏

喜以伊尹媵女

說文侁送也春秋所謂致女桓三年傳公女嫁於敵姊妹則上卿送之公子則

下卿送之士昏禮舅饗送者以一獻之禮酬以束錦假
令伊尹爲有莘媵女亦非屈辱諸子雜說目不知禮故
多以發臣爲口實 墨翟尙賢篇一則曰有莘氏女之私臣再則

曰莘氏女師使使爲庖人何言之鄙倍也貴義篇又云
湯將往見伊尹令彭氏之子御彭氏之子半道而問曰
君將何之湯曰將往見伊尹彭氏之子曰伊尹天下之
賤人也若君欲見之亦令召問焉彼受賜矣湯曰非女
所知也今有藥於此食之則耳加聰目加明則吾必說
而強食之今夫伊尹之於我國也譬之良醫善藥也而
予不欲我見伊尹是子不欲吾善也因下彭氏之子不
使御按如彼言則湯干伊尹非伊尹干湯也以其矛盾

其盾可也

聘冠子世居篇伊尹酒保

韓非難言云湯至聖也伊尹至

智也至智說至聖然且七十說而不受身執鼎俎爲庖
宰趙策馮忌見趙王曰伊尹負鼎俎而干湯姓名未著
而受三公鬼谷子忤合篇伊尹五就湯五就桀而不能
有所明然後合於湯燕策蘇代謂燕王曰伊尹再逃桀
而之湯當時遊談之口直以聖賢爲跼鞫惟其蹴踢而
已史遷襲之又以伊尹名阿衡斯爲忤矣

咎單

書序咎單作明居屬單曰湯司空也明居民之法也紀
年沃丁元年命卿士咎單

太甲

紀年注名至

太戊

紀年注名密按太戊群象事自魏初樂篇韓詩外傳三
以爲成湯時書大傳說苑敬慎篇又以爲武丁時

巫咸

書序伊陟贊於巫咸紀年太戊十一年命巫咸禱於山

川馬融以爲殷之巫鄭以爲巫官

呂覽勿躬篇
巫咸作筮

孔穎達

曰巫咸父子並大臣必不世作巫官按古者事神司天

卽是輔相咸雖掌巫官不妨其爲大臣也

洪興祖楚詞
補注曰山海

經巫咸國大荒之中靈山巫咸等十巫從此升淮南子
軒轅邱在西方巫咸在其北巫咸之興向矣商時又有
巫咸也莊子曰鄭有神巫曰
季咸又有巫咸祠皆取此名

祖乙

紀年注名滕祖乙之世商道復興廟爲中宗晏子諫篇

湯太甲武丁祖乙天下之盛君也

大祖乙在武丁下似非此

盤庚

紀年注名句殷本紀盤庚弟小辛立殷復衰百姓思盤

庚乃作盤庚三篇

按此與書序異觀盤庚三篇實當時懲惻之命非追思之旨

又云

武王封武庚祿父以續殷祀令修行盤庚之政呂覽慎
大篇武王命周公旦遺殷之遺老而問殷之亡故又問

眾之所說民之所欲殷之遺老對曰欲復盤庚之政武
王於是復盤庚之政此史遷所本也

武丁

紀年注名昭楚諸白公子張諫靈王曰若武丁之神明
也其聖人之叡廣也其知之不疚也猶自謂夫久故三
年默以思道既得道猶不敢專制使以象旁求聖人既
得以爲輔又恐其荒失遺忘故使朝夕規誨箴諫曰必
交修余無余弃也

今傳古文說命
皆襲以成文

呂覽重言篇高宗天

子也卽位諒闇三年不言卿大夫恐懼患之高宗乃言
曰以余一人正四方余惟恐言之不類也茲故不言古

之天子其重言如此

傳說

墨翟尙賢篇傳說居北海之洲國土之上衣褐帶索庸
築於傅巖之城武丁得而舉之立爲三公荀子非相篇
傳說之狀身如植鰭莊子大宗師傳說得之以相武丁
奄有天下乘東維騎箕尾而比於列星

高誘覽冥訓注
傳說爲相爲高

宗成八十一
符致中興也

甘盤

紀年小乙六年命世子武丁居於河學於甘盤武丁元
年命卿士甘盤

按君爽有甘盤無傳說國語等書有傳
說無甘盤紀年並有之恐不足憑僞孔

傳解遷於荒野為武丁之遷劉勰外紀又以為甘盤遷
世此因紀年命卿士甘盤而意測之也竊疑甘盤傳說
實一
人耳

太王亶父

莊子讓王篇與孟子諸同御覽三百八十三六韜曰文王祖

父壽百二十而沒

姜女

列女傳有呂氏之女

太伯

韓詩外傳十太伯去之吳太王將死謂曰我死汝往讓
兩兄彼即不來汝有義而安太王薨季之吳告伯仲伯

仲從季而歸羣臣欲伯之立季季又讓伯謂仲曰今羣
臣欲我立季季又讓何以處之仲曰刑有所謂矣要於
扶微者可以立季季遂立而養文王文王果受命而王
孔子曰太伯獨見王季獨知伯見父志季知父心論衡亦云
太王薨太伯還王季避之太伯再讓王季不聽三讓曰
吾之吳越吳越之俗斷髮文身吾刑餘之人不可爲宗
廟社稷之主王季知不可權而受之按充此言將論語
三以天下讓推演之如此則讓之名著矣惡云無得而
稱乎外傳所云伯既奔喪兄弟相讓伯仲不能逆羣臣
之心而委位於季如此則其國本非己有惡云至德乎
且太王以僞教季季又何名因心則友乎太伯之事自
當以史記爲正據藥不反之說亦是古賢盛德陋儒說
之便生
疥癩

中雍

索隱云世本居篇吳孰哉居藩籬宋衷曰孰哉仲雍字
藩籬今吳之餘暨也解者曰雍是孰食故曰雍字孰哉
按古人無此不經之字顯係皇甫謐等僞撰反竄入世本韋昭曰武王進封太伯爲
吳伯故曰吳太伯比史記云自立爲吳太伯者雅馴則仲雍爲虞仲亦
追號也吳虞聲同通稱猶河東大陽之虞城亦謂吳城
郡國志大陽有吳山秦本紀秦使摎伐魏取吳城徐廣曰在大陽索隱以爲仲雍與周
章弟虞仲祖孫同號者未考也

王季

呂覽首時篇王季厯困而死文王苦之紀年文丁十一年
周公季厯伐翳徒之戎獲其三大夫來獻捷王殺季

歷

注云王嘉季歷之功錫之珪璜和魯九命爲之伯既而執諸塞庫季歷困而死因謂文丁殺季歷按

此因紀者乖異故注家據呂覽爲說

孔叢子思曰吾聞諸子夏殷王帝乙

之時王季以功九命作伯受圭璜拒豐之賜故文王因之得專征伐

六韜曰王季百年而沒

太任

晉語姬文王不變少淦于豕牢而得文王

微子

呂覽當務繡紉母也生微子啟與中衍也尙爲妾已而

爲妻而生紉紉之父母欲置微子啟以爲太子太史據

法而爭之曰有妻之子而不可置妾之子紉故爲後用

法若此不若無法

史記以爲紉庶兄直是異母兄索隱知紉母已爲正妃按呂覽謂爲同母

庶兄此不通之論也書大傳微子之命作雅聲謂之麥秀歌歌曰

麥秀薪兮黍禾蠅蠅彼校童兮不我好仇史記以為箕子所作辭亦稍異

箕子

書大傳武王釋箕子之囚箕子不忍為周之釋走之朝

鮮武王聞之因以朝鮮封之箕子既受周之封不得無

臣禮故於十三祀來朝武王因其朝而問鴻範淮南道

應訓武王柴箕子之門注云紂之諸父紂死箕子亡之朝鮮舊居空故柴護之也主術

訓注又云紂之庶兄此異說也服虔杜預同之冊府元龜宗室部總序云帝乙正妃生三子微子微仲紂也庶

妃生一子尸子箕子胥餘漆體而為厲被髮佯狂范睢傳箕子也

子接與漆身為厲被髮為狂是說胥餘為接與秦策直為兩人箕子應帝王箕子胥餘釋文云司馬云胥餘箕

子名也按韓詩外傳三太公曰愛其人及屋上烏惡其
人者增其胥餘則胥餘正是爲奴之事非箕子名也崔
譔又以胥餘爲比干名亦非也韓非說林紉爲長夜之
飲懼以失日間其左右盡不知也乃使人問箕子箕子
謂其徒曰爲天下主而一國皆失日天下其危矣一國
皆不知而我獨知之吾其危矣辭以醉而不知按三仁
憂苦幾望之心豈直如此羅泌以箕子爲舜後箕伯之
小人述聖賢開口便謬

後傳會宋世家云箕子紉親戚也蓋外親不知史記所
云親戚卽是父兄之稱大戴曾子疾病篇親戚旣歿雖
欲孝誰爲孝管子輕重乙管子教桓公軍士有親戚者
必遺之酒四石肉四鼎其無親戚者必遺其妻子酒三
石肉三鼎行教半歲父教其子兄教其弟妻諫其夫曰
死列陳是親戚卽其家之父兄尊長不可爲外親矣羅

泌妄人也舉一端可以概其杜撰僻戾而不足齒矣

比干

呂覽過理篇紂殺比干而視其心不適也孔子聞之曰

其竅通則比干不死矣

注孔子言紂一竅通則比干不死也

伯夷 叔齊

論語釋文伯夷姓墨名允字公信伯長也夷諡也一本

名元叔齊名智字公達齊亦諡也見春秋少陽篇

韓非外儲

左下昭卯曰伯夷以將軍葬於首陽山之下天下曰以伯夷之賢而以將軍葬是手足不掩也此不馴之辭夫

人知之

太姒

列女傳太姒生有十男長伯邑次則武王發次則周公
旦次則管叔鮮詳見後次則蔡叔度次則曹叔鐸次則
霍叔武次則成叔處次康叔封次聃季載

大顛

克殷解泰顛閔天執輕呂以奏王

墨翟非攻篇赤烏銜珪降周之岐社曰天

命周文王伐殷有國泰顛來賓

閔天

克殷解命閔天封比干之墓荀子非相篇閔天之狀面

無見膚

墨翟尚賢篇文王舉閔天太顛於且兔之中按此免且之詩或爲是而作歟

散宜生

書大傳西伯既戎耆紂囚之羈里散宜生闕天南宮适

三子者相與學訟於太公

注散宜生文王四臣之一也
呂尙有勇而爲將散宜生有

文德而爲相

太公見三子知三子之爲賢人遂酌酒切脯除

爲師學之禮約爲朋友望曰西伯賢君也遂與三子見

文王於羈里

按太公始進史遷亦不能定就此事論之
當在已遇文王之後若太公未歸周三子

何能捨國
事從遊

呂覽古樂篇文王處岐諸侯去殷三淫而翼

文王

注三淫謂剖比干之心斷材士之股剗孕婦之胎
按周本紀殺王子比干在武王觀兵之後此又不

同

散宜生曰殷可伐也文王弗許

周本紀以爲
觀兵時語

說苑權

謀篇武王伐紂過隧斬岸過水折舟過谷發梁過山焚

萊示民無返志也至於有戎之隧大風折旆

韓詩外傳
旆折爲三

散宜生諫曰此其妖歟武王曰非也天落兵也風霽而
乘以大雨水平地而雷荀子云犯雨執韓詩外傳大雨三日不休散宜生又
諫曰此其妖歟武王曰非也天灑兵也卜而龜燔散宜
生又諫曰此其妖歟武王曰不利以禱祠利以擊眾是
燔之已武王順天地犯三妖而禽紂於牧野其所獨見
者精也按荀子儒效篇霍叔權曰出三日而五災至無乃不可乎周公曰云云韓詩外傳三武王心懼
太公曰云云說苑以霍叔為散宜生以周公太公為武
王其說各異又御覽引六韜武王問散宜生曰伐紂吉
乎曰不吉將行雨輜車太公曰是非子所知也
祖行之日雨輜車是洗濯甲兵也與此亦異

南宮适

晉語文王卽位咨於二虢度於闕天謀於南宮鄭云詩傳說疏

附奔走先後禦侮之人而曰文王有四臣以受命此之謂也 孔叢孔子曰聞諸老聃

昔者紂叔閔天太顛散宜生南宮适五官同寮比德以贊文武及紂叔死四人者爲之服朋友之服

祭公

晉語諷於蔡原注蔡蔡公原原公罕爲蔡木作祭周書祭公謀父我亦惟若祖祭公之執和周圖保乂王家又上文云我亦惟文祖周公暨列祖召公按謀父爲周公曾孫所云若祖祭公爲周公之子而非別有一人表旣置諸第五此誤出也或云卽十亂之榮公

師尙父

呂覽首時篇太公望東夷之士也欲定一世而無其主

聞文王賢故釣於渭以觀之

議聽篇云釣於滋泉

史記世家云以

漁釣好周西伯

正義曰說苑云呂望年七十釣於渭清

上有農人者古之異人謂望曰子姑復釣必細其綸芳其餌徐徐而投無令魚駭望如其言初下得鮒次得鯉刺魚腹得書書文曰呂望封於齊望知其異列仙說苑傳以爲三年不獲魚後得大鯉有兵鈴在腹中

尊賢篇鄒子說梁王曰太公望故老婦之出夫也

韓詩外傳

八太公望少爲人婿老而見去朝歌之屠佐也棘津迎客之舍人也年

七十而相周鵬冠子世居篇太公屠牛

注傳曰太公少負賣漿值天涼

屠牛賣肉值

天問師望在肆昌何識鼓刀揚聲后何喜

注呂望鼓刀在列肆文王親往問之呂望對曰下屠屠牛上屠屠國文王喜載與俱歸也荀子君道

篇文王倜然舉太公於州人而用之

外傳四行年七十作舟人

行年七十

有二翻然而齒墮矣汲郡表引紀年曰康王六年齊太

公望口口考年數蓋壽一百一十餘歲抱朴子文王接

呂尙桑陰未移而知其可師矣

趙策堯舜席隴畝而蔭庇桑陰移而受天下傳

說苑尊賢篇堯舜相見不違桑陰文王舉太公不以日

久蓋葛洪涉此而誤諸書言呂望者事煩文互牴牾不

一大畧如此又世家云文王載與俱歸立為師周紀武

王卽位太公望為師新書六文王使太公望傳太子發

搜神記令太公為大司馬史遷鬼谷子忤合篇呂尙三

前後忽忘何怪雜記紛紜不一

就文王三入殷而不能有所明然後合於文王

按此又與策異

金石萃編汲郡太公呂望表周志曰文王夢天帝服日

穰以立於令狐之津帝曰昌賜汝望文王再拜稽首太

公於後亦再拜稽首文王夢之夜太公夢之亦然其

受文王見太公而謂之曰而名為望乎答曰望文王曰

吾如有所於見汝太公言
其年月文王曰有之有之

畢公

左傳以爲文之昭故馬融等注尙書亦爲文王庶子魏
世家云畢公高與周同姓武王之伐紂而高封於畢頴
容春秋例曰史記不識畢公周文王之子而言周同姓
唐書世系表云周文王第十五子高封於畢此據姓譜所云別有竹帛敢於誕妄者

太師疵

微子世家紂以箕子爲奴殺王子比干於是太師少師
乃勸微子去遂行則以爲疵强二人也劉恕外紀直作
疵强然馬鄭諸儒皆言是箕子比干劉恕亦喜造異端

者也

少師強

此抱樂器奔周者未見其當與呂召並列也

成王誦

周書武儆解惟十有二祀四月王告夢丙辰出金枝郊
寶開和細書命召周公旦立後嗣屬小子誦文及寶典
召公

說文引史篇召公名醜燕世家云與周同姓

皇甫謐云文王庶子

蓋據莊三十年穀梁傳云燕周之淮南繆稱訓召公以

分子然分子不必定屬文王之子桑蠶耕種之時池獄出拘使百姓皆得反業修職

按此謂行

露之諭衡氣壽篇召公周公之兄傳稱召公壽百八十
詩韓詩外傳一昔者周道之盛邵伯在朝有司請營邵以
居邵伯曰嗟以吾一身而勞百姓此非吾先君文王之
志也于是出而就蒸庶于阡陌隴畝之閒而聽斷焉邵
伯暴處遠野廬於樹下百姓大悅耕桑者倍力以勸于
是歲大稔民給家足其後在位者驕奢不恤元元稅賦
繁數百姓困乏耕桑失時於是詩人見邵伯之所休息
樹下美而歌之按鄭譜云文王受命作邑於豐乃分岐
邦周召之地爲周公旦召公奭之采地施先公之教於
己所職之國則聽訟之詩正當文王不得如韓詩云先
君文王也又甘棠之詩美召伯者鄭譜以爲武王時其
時不容有在位驕奢之人也詩正義引樂動聲儀云召
伯賢者也明不能與聖人分職常戰慄恐懼故舍于樹
下而聽斷焉勞身苦體然後與聖人齊是以周南無美
而召南美之按鄭譜云武王定天下觀民風俗其得聖
人之化者謂之周南得賢人之化者謂之召南此是在
後追錄其風化畧以聖賢之迹區別非謂召公之賢不
能及周公之聖也若然者異日分陝而治召公之焦
勞不更甚乎孔穎達引此曲說以解詩實礙於鄭義

史佚

周本紀尹佚筴祝

史其官尹其氏也

大戴保傅篇承立於後是

史佚也

新書傳職篇少師之任史佚職之

說苑政理篇成王問政於尹

逸

周宣王靖

列子黃帝篇紀渚子爲周宣王養鬪鷄

莊子達生篇爲王養鬪鷄司馬

云齊王也與此異按列子書多言周宣王黃帝篇周宣王之牧正有役人梁鸞能養野禽獸仲尼篇公儀伯以

力聞諸侯堂谿公言之於周宣王則作宣王爲是

說苑正諫篇諸御已諫楚莊

王曰宣王殺杜伯而周室卑

顏之推冤魂志周春秋曰周杜國之伯名爲恆爲周

大夫宣王之妾曰女鳩欲通之杜伯不肯女鳩訴之宣王曰恆竊與妾交宣王信之囚杜伯於焦其友左儒爭

之九諫而王不聽王使薛甫與司工鑄殺杜伯
左儒死之按左儒見宣王亦見說苑立節篇

管仲

韓非外儲左下管仲束縛自魯之齊道而飢渴過綺烏
封人而乞食焉烏封人跪而食之甚敬封人因竊謂仲
曰適幸及齊不死而用齊將何報我曰如子之言我且
賢之用能之使勞之論我何以報子封人怨之說苑復
恩篇鮑叔死管仲舉上衽而哭之泣下如雨按管子戎
疾桓公往問之曰仲父之疾甚矣若不可諱也鮑叔之
爲人何如對曰鮑叔君子也雖然不可以爲政其爲人
也好善而惡惡見一惡終身不忘桓公曰然則孰可對
曰隰朋可列子力命篇莊子徐無鬼呂覽貴公篇並同
鮑叔不驕冠子世兵篇管仲作革
說苑尊賢篇邵子曰
得先死
管仲故成陰之狗盜

也荀子大畧篇管仲之爲人力功不力義力知不力仁

野人也不可以爲天子大夫

淮南繆稱訓管子文錦也雖醜登廟

甯武子

馬驢曰柳下惠當在仁智之列

范武子

第四列已有士會其次第先後亦非其時

晉叔向 向母

韓非內儲說下叔向之讒萇弘

按萇弘死羊舌氏滅久矣

又外儲左

上叔向御坐平公請事公腓痛足痺轉筋而不敢壞坐

說林荆王弟在秦秦不出也中射之士曰資臣百金臣能出之因載百金之晉見叔向曰荆王弟在秦秦不出

也請以百金委叔向按鹽鐵論論誹篇趙簡子得叔向此誤以叔魚爲叔向也而盛青肩詵按其事未聞

遽伯玉

高誘呂覽召類注曰伯玉衛大夫遽莊子無咎之子謚曰成子淮南秦族訓作璩伯玉將軍文子篇孔子曰外寬而內正自設於蹊栝之中直己而不直於人以善存亡汲汲蓋遽伯玉之行也

韓詩外傳二同

莊子則陽篇遽伯玉

行年六十而六十化未嘗不始於是之而卒詘之以非

也未知今之所謂是之非五十九非也

淮南原道遽伯玉年五十而知

四十九年非何者先者難爲知而後者易爲攻也與莊子又異寓言篇以爲孔子

吳季札

哀十年救陳杜預云其年蓋九十餘也說苑政理篇延

陵季子游於晉

吳越春秋諸樊封季札於延陵號曰延陵季子

入其境曰嘻暴

哉國乎入其都曰嘻力屈哉國乎立其朝曰嘻亂哉國

乎從者曰夫子之入晉境未久也何其名之不疑也延

陵季子曰然吾入其境田畝荒穢而不休雜增崇高吾

是以知其國之暴也吾入其都新室惡而故室美新墻

卑而故墻高吾是以知其民力之屈也吾立其朝君能

視而不下問其臣善伐而不上諫吾是以知其國之亂

也

韓詩外傳十吳延陵季子遊於齊見遺金呼牧者取之牧者曰子居之高視之下貌之君子而言之野也

吾有君不君有友不友當暑衣裘
君疑取金者乎子皮相之士也

子產

淮南繆稱訓子產練染也美而不尊

晉語謂之莊子德公孫成子

充符申徒嘉兀者也與鄭子產同師於伯昏無人呂覽

下賢篇子產相鄭往見壺邱子林與其弟子坐必以年

是倚其相於門也

與莊子云子產謂申徒嘉曰子見執政而不違子齊執政乎語異壺邱子

林爲列御寇之師而伯昏無人其友兩人亦異韓非難四鄭子產晨出過東匠

之閭聞婦人之哭撫其御之手而聽之有閒遣吏執而

問之則手絞其夫者也異日其御問曰夫子何以知之

子產曰其聲懼凡人於其親愛也始病而憂臨死而懼

己死而哀今哭已死不哀而慟是以知其有姦也

按此等小

慧誠非子產之美疑其事本訛傳韓非故借爲舌端耳又說苑貴德篇季康子謂子游曰仁者愛人人亦愛之乎子游曰然康子曰鄭子產死鄭人丈夫舍珎佩婦人舍珠珎巷哭三月不聞竿琴之聲仲尼之死吾不聞魯國之愛夫子矣也子游曰嘗子產之與夫子猶浸水之與天雨乎浸水所及則生不及則死斯民之生也必以時雨旣以生莫愛其賜按子產之歿在昭二十年孔子之歿在哀十六年相去四十餘年無緣令人比並且子產爲政二十餘年孔子未嘗一日臨民康子雖愚甯不知之子游又胡假於奇設之辭乎知此事又妄也孔叢作縣子問子思新序則以爲臧孫行猛政子貢非之引子產云云韓詩外傳三又作季孫子暴子貢云云當如彼所說

晏平仲

晏子諫篇景公飲酒七日七夜不止弦章諫曰願君廢

酒也不然章賜死晏子入見公曰章諫吾曰願君之廢
酒也不然章賜死如是而聽之則臣爲制也不聽又愛
其死晏子曰幸矣章遇君也令章遇桀紂者章死久矣
於是公遂廢酒與秦策或人爲中期於秦王語同按晏
子外篇晏子沒十有七年景公飲諸大
夫酒公射出質堂上唱善若出一口公作色太息播弓
矢曰自晏子歿後不復聞不善之事弦章對曰君好之
臣服之君嗜之則臣食之尺蠖食黃則黃食蒼則蒼公
曰善以魚五十乘賜弦章說苑君道篇同攷哀六年傳
弦施來奔或此人也而管子小匡云使弦子旗爲理呂
寬勿躬薦管子復於桓公曰決獄折中臣不苦弦章請
置以爲大理韓非外儲說左下作弦商新序四作弦甯
則先後有兩弦章然小匡篇末仍云賓須無爲大司理
參考之實是管子時誤

家語辨政篇孔子曰夫子產於民爲惠主

於學爲博物晏子於君爲忠臣於行爲恭敬故吾皆以

兄事之而加愛敬晏子外篇仲尼曰景公奢晏子事之以恭儉君子也又晏子語景公曰益成迺父之孝子兄之順弟也又嘗爲孔子門人荀子大畧篇曾子行晏子從於郭曰嬰聞之君子贈人以言庶人贈人以財嬰貧無財請假於君子贈吾子以言云云按晏子與聖門交相愛重也如此乃墨翟非儒云晏子對景公曰孔某深慮同謀以奉賊勞思盡知以行邪勸下亂上臣殺君非賢人之行也又云景公欲封之以尼谿以告晏子晏子曰不可儒書但云孔子辭景公致廩邱未嘗有晏子沮尼谿封事也由異端以晏子尙儉故引爲同調猶臬欲

抵鳳而誣鵠雖固欲未之之說也今晏子書亦雜入謫
調之事以造爲激財事云仲尼相魯景公患之晏子對
曰君不如陰重孔子許以相齊孔子強諫而不聽必驕
魯而有齊君勿納也夫絕於魯無主於齊故孔子困於
陳蔡之間直以定哀三十年中通爲一時事而不知晏
子之年壽不能待也世家云晏子卒後十年而景公薨
上莖章事云般十七年景公薨于
哀公五年孔叢請墨云夫德之不修己之罪也不幸而屈於
人已之命也伐樹削迎絕糧七日何約乎哉又曰墨子
欲以親死不服三日哭而已於意安者卒自行之空用
晏子爲引而同乎已通證其非耳且晏子服父禮七年

傳晏桓子卒晏則無緣非行禮者也此語謂諸服喪三年晏子非之在外

篇而墨翟書無之益明愚謂孔叢之詰猶以常理爭之

若稽諸年世則三尺豎子亦知其吠影之妄矣夫晏子

設詐以窮孔子孔子復樹簪以報齊國仁義言盜跖行

正是墨者之徒所爲而足以塵聖賢哉獨怪史遷爲召

山之書獨采尼谿之事使晏子曖昧千世亦不善成人

之美者適彰其性識之庸下耳

太子晉

太子晉解叔譽告晉平公曰太子晉行年十五而臣弗

能與言尸子太子晉生入年而師曠對王子曰汝聲清

服師曠此又傳之者通

汙汝色赤白火色不壽按照十五年傳云太子壽卒而周語有太子晉諫靈王則晉者其衍字也卒未十年而王室亂天喪周道使賢知早失其哉

左邱明

左傳正義沈氏云嚴氏春秋引觀周篇云孔子將修春秋與左丘明乘如周觀書於周史歸而修春秋之經邱明爲之傳其爲表裏

王肅家語觀周篇無之

顏淵 閔子騫 冉伯牛 仲弓

書大傳孔子曰吾有四友自吾得同門人加親是非晉附平晏子雜篇仲尼德不盛行不厚則顧問焉雍待子

忽忘古今顏回侍列子力命篇顏淵之才而壽十八家語

節小物冉伯牛侍弟子解年三十史記莊子人閒世同之家貧唯不飲酒

弟子傳年二十九不如葷者數月矣管子立政瓜瓠葷菜按荀子哀公篇

端衣玄裳綽而乘路者志不在於食葷楊倞云葷葱薤

之屬論語不撤薑食孔安國曰齋禁葷物薑辛而不薰

故不去也釋文作薑說文葷臭菜也蓋氣之辛臭者通

爲煮薰詳荀子所稱玄端祭服亦謂不食辛臭之菜又

云黼衣黻裳者不茹葷非口不能味也服使然也楊倞

云禮祭致齋不茹葷非不能味謂不能知味也按周官

膳夫王齋日三舉鄭司農云齋必變食今人誤會莊荀

以葷爲血肉以齋饗食爲蔬食菜羹則論語一章有難
通者矣論衡伯牛病矣仲弓曰傷全顏路庸固曰傑超倫是誤以仲弓爲伯牛子按王充自記揚己之美不惜發祖父之短則亦曰白虎通曰冉伯牛危言正行
矣又欲假合人父子耶而遭惡疾

朱張

論語釋文注王弼注朱張字子弓鄭作侏張云音陟留

反按鄭不以爲人名又荀子非十二子所稱仲尼子弓

楊倞無注則以爲仲弓也

儒林傳傳易者野臂子弓或荀卿之師然不當在逸民之

列王弼

非也蘇轍古史謂朱張夷逸不見書可也并少連言

之亦陋矣

廣博物志引尸子夷逸者夷詭諸之裔或勦其仕曰魯魯則牛墾農而耕於野不思被

續入廟
而為犧

少連

事見禮雜記列之者以其在逸民也柳下惠夷逸二人
係傳寫脫落

子思

說苑立節篇子思居於衛緇袍無裘二旬而九食田子
方聞之使人遺狐白之裘恐其不受因謂之曰吾假人
遂忘之吾與人如棄之

此本不辭
記事之謬

子思辭而不受曰伋

聞之妄遺棄物於溝壑伋雖貧也不忍以身為溝壑是
以不敢當也

史記子思年六十二嘗困於宋子思作中
庸孔叢云子思年十六適宋宋大夫樂胡

與之言學不說而退曰孺子辱吾其徒請攻之遂圍子思宋君聞之不待駕而教子思子思既免於是撰中庸之書四十九篇按史記年六十二其事當然年十六何至與人構難云孺子則非書寫十六爲六十之誤也宋人有疑其僞此類殆然

鹽鐵論貧富篇子思之銀佩美於虞公之

垂棘

孟子

說苑建本篇孟子曰人皆知以食愈飢莫知以學愈愚

韓詩外傳九孟子少時誦其母方織孟子輟然中止乃

復進其母知其誼也

釋訓義
護忘也

呼而問之曰何爲中止對

曰有所失復得其母引刀裂其織以此戒之自是之後

孟子不復誼矣

列女傳作既學而歸
孟子以刀斷其織

孟子少時東家殺

豚孟子問其母曰東家殺豚何爲母曰欲啖汝其母自悔而言曰吾懷妊是子席不正不坐割不正不食胎教之也今適有知而欺之是教之不信也乃買東家豚肉

以食之明不欺也

韓非外儲左上曾子之妻之市其子隨之而泣其母曰女還顧反爲汝殺

氣適市來曾子欲捕氣殺之妻止之曰特與嬰兒戲耳曾子曰嬰兒聽父母之教今子欺之是教子欺也遂烹

氣也其事正相類

孔叢雜訓孟子居尙幼請見子思子思見之

甚說其志命子上侍坐焉禮敬子居甚崇予上不願也客退子上請曰白聞士無介不見女無媒不嫁孟孺子無介而見大人說而敬之白也未喻敢問子思曰然吾昔從夫子於鄰遇程子於塗傾蓋而語終日而別命子

路將束帛贈焉以其道同於君子也今孟子居孺子也
言稱堯舜性樂仁義世所罕有也事之猶可況加敬乎
御覽三百六十三聖謠論曰學者不知孟軻字按子思
書及孔叢子有孟子居卽軻也軻少居坎軻故名軻字
子居也今俗本孔叢作子車御覽三百八十五引孔叢
亦爲子居荀子大略孟子三見宣王不言事門人曰曷
爲三遇齊王而不言事孟子曰我先攻其邪
心按荀卿之非孟其持之有攸其言之成理且後先相
望傾軋之習也王充何人而作刺孟其言不成經緯如
俳優之嘲弄人而已書有
幸而傳者若王充之徒也

屈原

水經注江水篇屈原有賢姊聞原放逐亦來歸喻令自

寬全鄉人翼其見從因名曰秭歸卽女嬃也錢大昕曰
孟堅嘗譏屈原露才揚己必不躋之大賢之列此後人
妄以意進之耳

漁父

此隱士能言者流非仁人也

肥義

趙世家爲惠文王相國并傳王不聽李兌之言終爲公
子章所殺忠若荀息可也去仁尙遠

魯仲連

孔叢執節篇魏安釐王問天下之高士子順曰世無其

人也抑可以爲次其魯仲連平王曰魯仲連強作之者

非體自然也答曰人皆作之作之不止乃成君子魯連子齊

辨士田巴議稷下一月服千人有徐劫者其弟子曰魯仲連年十二號千里駒往謂田巴巴終身不談

蘭相如

按張晏云魯連之博通忽於榮利蘭子申威秦王退讓廉頗乃在第五而今本皆列第二然則後人又妄爲移易非張晏時舊觀矣

孫卿

鼎錄荀況在嵩溪作一鼎大如五石甕表裏皆紀兵法韓非難三燕王噲賢子之而非孫卿故身死爲僂按此則荀

卿又嘗遊于燕顏之推家訓勉學篇荀卿
五十始來遊學猶爲碩儒按此傳之者妄

漢書疏證卷六終

浙江書局刊

樊熙校

丁立誠校

嚴曾鑑校